



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Sectæ nolunt in odio aut extra vnitatem Ecclesiæ esse. tit. 215

urn:nbn:de:hbz:466:1-29452

est malus : ergo & Papatus est malus : Episcopus, vt homo & in sua persona, est malus : ergo & Episcopatus, &c. Apollo est adulter vt homo, ergo matrimonium est malum, &c. Hæc quoniam discernere sectarij nolunt, fiunt schismatici & contumaces prælatis.

Quartò, quòd grauant Ecclesiam, quia adorant patrem & mortuos homines, &c. Quòd porrigit sacramentum sine calice, celebrat Missas pro defunctis, &c. non fit ea intentione, sicut hæretici ralsò calumniantur Ecclesiam, sed hoc modo : Adoramus Christi diuinitatem : veneramus, non adoramus sanctos : petimus in Missa, vt Deus propter Christum misereatur animabus, &c. etiam hæc supra annos mille fuerunt à sanctis patribus in Ecclesia obseruata, & nunc tanto tempore confirmata, vsq; in hunc diem in eadem immota permanent, &c. Non igitur habent sectæ iustas causas recedendi ab Ecclesia, sed odio & studio sathanæ fit. At Deus non est Deus dissensionis, sed pacis, 2. Corinth. 13.

*SECTAE NOLUNT IN
odio aut extra unitatem Eccle-
sia esse.*

TITVLVS CCXV.

Augustinus super Epistolam Ioann. tractatu 3. Exierunt plerique à nobis, & facti sunt Donatistæ. A nobis ipsi exierunt, non nos ab ipsis: quod sic probatur, nos manemus circa hæreditatem, quam Deus contulit Christo, & est hæc hæreditas, de qua Psalm. 28. inquit Deus Christo, Trado tibi in possessionem & hæreditatem terminos terræ. Ergo hæc fides est catholica & vera Christi fides, quæ communikat, & non discrepat à toto orbe terrarum: sed vos
Illi 3 Dona.

Donatistæ non communicatis toti orbi terrarum, toti vniuersitati redemptæ sanguine CHRISTI. Cum fide & secta vestra in angulo Africae solum suffragatis. Ergo existis à nobis, & non habetis communem vnitatem fidei nobiscum, & cum sit vna fides, Ecclesia, Baptisma, Ephes. 4. & Christus diuisus non est, 1. Cor. 1. ideo non estis de vnitatem Ecclesie catholice, &c.

Secundò, Augustinus vult, si non habetis odium erga catholicos, & esse vultis de vnitatem Ecclesie, quod tunc faciunt in vna ciuitate duæ Ecclesie: duo altaria? quid tot conuicia? eradicationes? detractiones? spoliationes Ecclesiarum? quid inobedientia Papæ & Imperatoris? ad quid prohibetur commercium, ne nobiscum loquantur, aut comedant, aut bibant? cur nolunt sepelire catholicos? baptizari & communicari à catholicis &c.? Habent enim talem charitatem, qualem Cain erga Abel fratrem suum, Gen. 4. & fratres ad ipsum Ioseph, cui non poterant quicquam pacifice loqui, Gene. 37. Non ergo se excusare poterunt de odio.

Tertiò, si nolunt esse in odio, cur non reconciliantur Ecclesie catholice? Mat. 5. Vade reconciliari fratri tuo. Cur non obediunt concilijs & maioribus Ecclesie? &c. Manifestant enim odium suum in corde erga catholicos, oculis, lingua, manibus, &c. et non audent manibus ostendere iram, attamen in corde sedet. At dicunt: Spiritu sumus vniti omnibus recte credentibus in toto corde. Nolumus esse vniti Papistis & alijs, qui sunt pessimæ vitæ, &c. Respondeo, primo ostendant, in mundo qui sint, quos putant ipsi recte credere. Luterani dicunt Zuinglianos errare, & è diuerso. sic Anabaptistæ &c. nulla secta hoc alteri concedit, quòd recte credat, sed quælibet putat propriam fidem, quam ipsa habet, hanc solam esse veram: ac cum secte inter se non concordant, sequitur quòd vniuersalis

filis & catholica fides, sola est vera: & quicumq; vult saluus esse, opus est vt teneat catholicam fidem, inquit Athanasius.

Insuper, si vitant peccatores, nunquid non & ipsi orant sibi dimitti peccata, Mat. 6? Si orant, ergo & ipsi peccatores: Si non, arguit eos Apostolus 1. Ioan. 1. Si dixerimus quia peccatum non habemus, nosipfos seducimus. Leuent ergo primum lapidem, &c. Ioan. 8. Ex nulla igitur parte potest iustificari secta: in odio viuit & nutritur, extra vnitatem vniuersalem exiit. Felix igitur quē docuerit vnctio Spiritus sancti, quod catholicus permaneat in fide, vita, &c. Communicare sub duplici specie, sacerdotem nubere, comedere carnes extra necessitatem, frangere ieiunia, &c. res in se nō est adeo mala, sed grauius peccatum est odium quā opus sectæ, &c. Erasmus in Psalm. 83. Stultum est sic odisse mores quorundam pontificum, sacerdotum, Monachorum, vt ipsi fiamus deteriores: deterior fit, qui recedit ab Ecclesiæ consortio, aut in schisma vel hæresim demigrat, quā qui impurè viuit.

*AN IGNORANTES SE ESSE
sectarios, sint excusati.*

TITVLVS CCXVI.

Notandum primò, quod Deus ordinauit in mūdo publicè denunciare Evangelium, Marc. vltimo. Ite in mundum &cæt. & sic in omni terra diuulgatum est, quod nemo ignorat, saltem quo ad famam. Psalm. 18. In omnem terram &cæt. Roman. 10. si quis nunc fidem Christi vult studio ignorare, hic nō excusatur, 1. Corinth. 1. Prædicamus Christum crucifixum, Iudeis scandalum, gentibus stultitiam: subinde publicè docetur, quod in Adam omnes peccauimus, Romanor. 5. & si quis vult liberari à tali peccato,

111 4